



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1601. usque ad annum 1605

Fleury, Claude

August. Vind. [u.a.], 1776

VD18 90118790

§. 10. Julii Sanctorii Cardinalis obitus.

[urn:nbn:de:hbz:466:1-67204](https://nbn-resolving.org/urn:nbn:de:hbz:466:1-67204)

maturus die decima octava Martii, an-
 no ætatis suæ sexagesimo sexto pie in
 Domino obdormivit, morienti assistente
 ipso Clemente VIII.

Sæc. XVII.
 A.C. 1602.

§. X.

Julii Sanctorii Cardinalis obitus.

Alter ex Purpuratis, qui hoc anno
 obiere, erat Julius Antonius San-
 ctorius, natione Italus, patria Caser-
 tanus, qui Leonardo & Barattonia Pa-
 rentibus die sexta Junii anno Salutis
 nostræ millesimo quingentesimo trigesi-
 mo secundo natus Theani ac Neapoli
 sub celeberrimis Magistris omni scien-
 tiarum genere imbuebatur, ac demum
 jurisprudentiæ Laurea decoratus Nea-
 poli Caussidicum agebat, paulopost Sa-
 cris initiatus Sacræ Inquisitionis Judex,
 & Cardinalis Carafæ Archiepiscopi Nea-
 politani Vicarius Generalis nominaba-
 tur, quo in munere cum hæreticos publi-
 cis sermonibus editoque libro, cui ti-
 tulus: *deploratio calamitatum* infectare-
 tur, non semel necis periculum incur-
 rebat. Præterea impius quidam auro
 corruptus Julium falso accusabat, quod
 Pium IV. veneno trucidare moliretur:
 quocirca Romam accersitur, ast calum-
 niator cum bis in judicio mendacium
 jure jurando confirmasset, tertio per-
 terri-

Ciacon. t. 3.
 in vita Pii V.
 Purp. doctæ
 l. 4. Marac-
 cius in Purp.
 Mar.

R 2

terri-

Sæc. XVII. A. C. 1602. terrītus virum innocentem proclamabat: Julius igitur innocens a Iudice declaratus, atque a Papa amplexu honoratus, delator autem suspendi iustus est. Neapolin dein reversus, a Pio V. paulo post Romam evocatur, ac gravissimis negotiis adhibitus Secretioris primo Cubiculi, dein S. Inquisitionis Consiliarii munere, demum S. Severinæ Episcopus anno millesimo quingentesimo septuagesimo Purpura decoratur. Abbas præfuit Nobili Cœnobio B. Anastasii de Carbone in Claromontensi comitatu, illudque collapsum suis sumptibus restituit, regularemque disciplinam ibidem restauravit. Exstitit etiam plurimum Ordinum Protector, interfuit quoque sex Pontificum comitiis, in quibus defuncto Innocentio IX. parum abfuit, quin Successor renunciaretur, eo dignior quo magis ab ambitu hujus dignitatis erat alienus. Demum virtutum splendore illustris die septima Junii ætatis suæ anno septuagesimo Romæ apoplexi correptus excessit e vita. Collegit acta Sanctorum. Scripsit etiam tractatus de moribus hæreticorum, de potestate Pontificum supra Franciæ Regnum, de Græcorum ritibus & erroribus, necnon de Monarchia Siciliæ præter duas Apologias, ac quamplurimos alios varii argumenti tractatus. Manum etiam ad-

jecerat

jecerat ad Regni Neapolitani Historiam, Sæc. XVII.
quam tamen morte præventus non A. C. 1602.
perfectit.

§. XI.

Ponti Heuteri extrema.

Inter Historicos ævi sui celebriores, qui *Baldwin.*
hoc anno decesserunt, merito me- *Sæc. XVII.*
moratur Pontus Heuterus Delfii anno *Chronic.*
Salutis restauratæ millesimo quingen- *le Long.*
tesimo trigesimo quinto nobili genere *Bibl. hist.*
natus. Hic politiori literatura ap-
prime excultus anno decimo quinto æ-
tatis suæ Mechlinium mittitur, ibidem
a Francisco Pauli non minus pietate
quam scientia conspicuo Presbytero se-
veriores disciplinas didicit: postea Lug-
dunum Batavorum proficiscitur, ubi,
cum Philippus III. in Hollandiæ Comi-
tem proclamatus esset, & ipse cum ce-
teris fidelitatis homagium tanta animi
sinceritate profitebatur, ut toto vitæ
suæ tempore promissam hanc fidem illi-
bate servasse gloriaretur. Demum an-
no a partu Virginis millesimo quingen-
tesimo sexagesimo Parisios delatus eru-
ditionis fama celebre sibi nomen com-
parabat. Inde in patriam reversus Sa-
cræ militiæ nomen dedit, Gorichemii
Canonicorum numero adlectus: postea
vero celebrior factus Trudonopoli De-
canus